

EMINENTISS. PRINCIPI

MARTIO
CARDINALI
GINETTO

Sanctiss. D. N.

VRBANI VIII

VICARIO,

ET SEM. ROM. PROTECTORI.

THOMAS DADVS VRBINAS

SEM. ROM. CLERICVS. F.



D proemium Orato-
riæ laudis cumulan-
dum, quam in luone
feliciter partam bo-
no Romanæ Curia
lumine mea demon-
stravit Oratio ; hoc

vnum luonis gloria videtur exposcere, vt

A cam

cam in terris etiam nanciscatur lauream,
 qua eam, quam è Cælo decerpfit, hoc
 est flammeam, viua colorum imagine
 imitetur. Quandoquidem tam Cælo
 militauit Iuo, quam terris. Quod ne
 desit, quò mihi confugiendum sit vides
 EMINENTISSIME PRINCEPS, ad
 tuam scilicet humanitatem, quæ non
 minus vernat in Purpura, quam in Ro-
 sa. Ad tuam ergo festinat Rosam læta-
 bunda Oratio. Tu pro ea, qua soles
 omnes beneuolentia excipere ad te vltro
 festinantem. Tantum audet illa quam
 uis horrida spinis; quia nimirum bene
 nouit spinarum satellitium, hoc est ob-
 sequiosam feruentem deberi Rosæ.

Vale.



ORATIO
 A

ORATIO.



VICINQUE Gigantis in speciem splendidas inter serena noctis tenebras matri visum Iuonem contemplatur; si maximus dixerit Oratorem, hic sane in somnio plurimum vigilat Eminētissimi Principes! Etenim singula Oratoris facultatis decora expressisse in te, ornamenta omnia expleuisse, quæ in pluribus effuxit verius quàm laudant antiquitas, quis maximi Oratoris esse inficiabitur? Et hanc quidem in Iuone bene partam laudem, quoniam per vestram licet humanitatem, amor est iucunda rerum ab eo gestarum commemoratione diligenter exquirere. Neque verò, ne iucunda vobis accadat Oratio, pertimesco? Si quid enim in suaue, si quid ingrati ingenij tenuitate mei contigerit, id Iuonis auream dicendi copiam mitigaturam esse confido.

Ergo eloquentia suadere primus Oratoris nostri labor fuit. nam præclaris ortus natalibus Puer,

4
vix primioribus, vt aiunt, hauserat hanc vitæ
spiritum labris, vix linguam soluerat in voces,
cum summa precum cœpit eloquentia perorare.
Dixisses in gremio matris præuisum de se oracu-
lum explendum meditari. Dixisses non mo-
dò factum, sed eloquentissimum natum Ora-
torem. Et mentiar, ni fuerit eloquentissi-
mus Orator Iuo, qui sapius in sublime raptus
corpore, in perpetuam vigiliam excubans cor-
de, ad confinia noctis vsque Deo vacans decla-
mauit ad eam solam clepsydræ, quam pietas
præscripsisset: qui septem solidos dies, totidemq.
noctes abalienatus à sensibus, ingenti mentis,
animiq; conatu in precibus fuit, adeo vt si dixe-
ris Iuonem Cæli ciuem, inquilinum terræ, dixe-
ris sapienter. Nimirum, qui centum in se ape-
ruit ora, quid si tanta præstet eloquentia? Et non
centum aperuit ora, qui è cunis egressus, solutus
fascijs totidem aperuit vulnera, dum latus fer-
rea discerpsit catena, quibus in ampla & locuplete
domo, hoc est in ipso voluptatis regno constitutus
in regnatricem diceret voluptatem? Vsq; adeo
eloquentissimus extitit Orator, vt quod antiquio-
rum decantatum fuerat solummodo votum Ora-
torum, qui centum ora sibi polcebant, id feliciter
Iuo perfecerit. Iam vero in Patria Domo bene
di-

dicendi peritus Adolescentior cōtendit Lutetiam
primū, Aureliam deinde, non tam studiosus,
quam Orator iuris, qui tam feliciter quid Deo,
quid sibi, quid cæteris, tribuendum esset rebus
gestis, vel ab infantia pronunciauit. Hic enim
vero sermonem habuit plane aureum, alterum
Oratoriæ laudis in Iuone præconium. Neq; enim
in aurea Vrbe aliud nisi aureum sonare debet
eloquium: Neque in Oratore, & illo quidem
maximo debuit tanta gloria desiderari, quam in
suis Oratoribus per summam assentationem fin-
xit antiquitas, an verius desiderauit. Quod vt
clariùs exponam, ponite vobis ob oculos A. A.
Iuonis domum hospitalem Peregrinis, apertam
Pauperibus, frequentem ægrotantibus, vni sibi
peregrinam, qui die per fora, per vicos, noctu
per immensos cæli tractus spatiabatur. Atque hic
in vnum Iuonem mentis aciem defigite, nume-
rosæ pupillorum, pauperumq. multitudinis me-
dium, tantisper domi commorantem. An non
videtis, vt Orator plane maximus, qua vena vbe-
riore, & sine lege, qua strictiore, sed multo
cum pondere, quâ medio quodam tenore ma-
nu, lingua scilicet cordis, modo auro, modo
argento plena suam disertissimè demonstrat in-
Egenos caritatem, misericordiam in calamito-
sos,

sos, in pupillos sollicitudinem omnino pater-
 nam? O quàm gratus pauperum illorum auri-
 bus insonuit ille sonus quàm carus, quia aureus!
 Ut verius affirmare possim hominum aures Gal-
 lici Iuonis aureis catenis illigatas esse, quàm Gal-
 lici Hercules auro, splendido sanè mendacio suas
 sinxere Veteres illigatas. Hominum aures dixi?
 Immo etiam ipsum & Deum aurea illa fandi co-
 pia deuinctum è patria Sede, hoc est è Cælo ra-
 pere ad se Iuonis proprium fuit. Altius memo-
 ria repetite instructissimum illud conuiuium,
 quod innumeris omnium Ordinum, Nationum-
 que Pauperibus pia parauerat Iuonis liberalitas.
 An non adfuit illi etiam ipsemet Deus pauperis
 in speciem sordidati conuiua, qui largiter cibo
 pastus, recluso tandem illo mortalitatis mutua-
 tæ sippario dum euauit, cumulo sanctissimæ
 pacis munere donauit Iuonem? O sæcula verè
 aurea! O fortunata tempora! O ætatem Superio-
 rum nulli felicitate concedentem! Sed tu potius
 rem tantæ felicitatis in partem venis Aurelia,
 quæ vna poteras dignum Iuonis auro aperire
 Theatrum, quia vel in nomine fulget aurum.
 O quantas intra mœnia excepisti diuitias, dum
 ipsam diuinitatem excepisti! Splendidior profe-
 cto Iuonis auro quàm tuo tantum cæteris Gallia

Ur-

Urbibus præstas, quantum cæteris communi ho-
 minum æstimatione præstat aurum metallis.
 Missam libenter hic facio labentem Puellarum
 pudicitiam, numerata pecunia sustentatam, inlo-
 cabiles Virgines amplè instructas dote, integras
 egenorum familias infinita nummorum erog-
 atione leuatas, ære alieno adstrictos summa libe-
 ralitate solutos, anxiam illam denique curam,
 quæ per vias, per vicos, per Urbem, cursitans,
 pauperes, ac Peregrinos vsque adeo, vt ita dicam
 venabatur, vt planè ambigeres violentiusne
 domum raperet illos, an felicius ille in eorum
 raperetur amplexus. Ecce autem facundum il-
 lud aurum mutatur in fulmen: audio conuerti
 in tonitru suauè illud eloquium. An veriùs ille
 idem sonus, qui pauperum bono domi insonuit
 aureus, intonuit in foro fulmineus in audaciam
 potentiorum? Certe tam acriter pauperum cau-
 sas virorum Principum auctoritate laborantes su-
 stinuit, vt ad viuacem posterorum memoriam,
 gloriàmque immortalem suam Pauperum Patro-
 nus dictus sit, appellatione humili quidem per
 annos iam transactos, at in posterum gloriosa,
 quia Iuonis est. Siquidem hoc etiam habet Ora-
 toria laus Iuonis omnino maxima, vt cum nihil
 gloriæ causa faciat, omnia tamen sint gloriosa
 quæ

quæ facit . Proh quanto eloquentiæ fulmine cor-
 ruscabat Iuo apud Iudicum tribunal dum oppres-
 sam videbat Paupertatem ? Vidisses illum pon-
 derosis rationum momentis detectas retundere
 fraudes accusantis, legum iurisq. iaculis illius au-
 daciam ferire , opposita facile Iurisconsultorum
 auctoritate diluere . At incassum laboras Vir
 sanctissime . non tam pugnat in te. potentiorum
 vis, quam Iudicis avaritia. Auri splendore per-
 strictus Iudex sensus habet ad tua fulmina conso-
 pitos. Hic enim uerò seueritatis veluti nube con-
 tracta in vultu portentosa minarum tempestate
 resonare, humanarum, Sacrarumq. legum fulmi-
 ne fulgurare, prouocare ad iustissimam aterni
 Iudicis sententiam, aternorum suppliciorum ima-
 minentem horrorem incutere, tonare, fulmina-
 re, omnia Pericle salubrius permiscere . In diui-
 na autem causa peroranda quantus extitit hic no-
 ster Orator ? Testes estote vos milites in Sacra
 templa prædabundi irruentes, in quos ore solum
 minaciter seuero fulminauit Iuo, Vos Vrbes, Vos
 Oppida, Pagi, Gallia tota testis esto ; quæ è fuge-
 sto luonem, quæ in vitiorum agmen acriter de-
 clamantem, quæ pro virtute valido vocis impetu
 dicentem, quæ concitata Oratione perditos ho-
 mines è vitiorum cœno cogentem emergere, quæ
 cla

clarè, dilucidèq. demum audisti sacra legis nostræ dogmata explicantem. Et quantum extitit per Deum immortalem emolumentum. Nefariorum hominum præceptis improbitas è scelere reuocata, intestinis dissidentes odijs beato pacis fœdere conciliati, lapsa religionis disciplina castigato veteri luxu ad pristinam redacta severitatem, splendor restitutus aris, templis reuerentia, honor Deo, Religio fides, sanctitas, diutius ab hominum animis relegatæ in antiquam eorundem redire possessionem. Sic nimirum illa verborum erudita tempestas serenitas fuit animorum. sic ille charitatis ignis, qui in fulminantis emicabat ore, beata pacis discolor Iris illuxit. sic illud concitati pectoris tonitru, dum teterrimi prædonis mentem in nostra damna vigilantem deprescit, homines vitiorum senio torpentes ad prælium excitauit gloriosum. Iam vero satis est. Iuo tibi declamatum. Sume nunc meritam tuis rebus præclare gestis coronam laurea donandus non iam Appollinari, sed quia ipsammet diuinitatem flexisti, diuina. Bene est: votum audiit Deus: voto subscripsit: Sanctissimumq. Pauperum Patronum senio confectum, maturum Cælo inter pluuias diuini Spiritus flammæ, flammeis linguis, hoc est se ipso cor-

ronauit! Nimirum, qui diferta aurei eloquij ca-
 tena Deum ligauit, quid ſi Deo coronetur? At-
 que hic etiam cum Iuone coronato poſtremam
 par eſt fortiri coronidem Orationem meam; ſi
 veſtro prius ordini, Principes cauſarum Arbitri,
 tantam gratulatus fuero gloriam, tantam felici-
 tatem. Iam non eſt cur fragiles, mortu-
 alesque ameris lauros, quibus melior in
 flammis viſceſcit corona. Hæc ad
 Iuonem è Cælo tranſmiſſa,
 tranſmittetur etiam Iuo-
 nis patrocinio, hære-
 ditario tanquam iure ad vos
 non mi-
 nus
 dignita-
 tis, quam
 Iuohis integri-
 tatis hæ-
 redes:
 ✠
 DIXI